

Kanton Sarajevo
Skupština Kantona Sarajevo
Admela Hodžić samostalna zastupnica u Skupštini Kantona Sarajevo

VLADA KANTONA SARAJEVO

ZASTUPNIČKA INICIJATIVA

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo”, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20) pokrećem inicijativu prema Vladi Kantona Sarajevo da se u narednoj budžetskoj godini, odnosno vremenskom periodu smanjenog priliva sredstava a koje se odnose na umanjenje priliva svih vrsta prihoda i zbog negativnih posljedica koje trpe privrednici KS, izvrši procentualno umanjenje naknada od 50% svim članovima komisija, nadzornih odbora i upravnih odbora, javnih preduzeća i javnih ustanova Kantona Sarajevo, a koji su zaposleni u institucijama kojima je osnivač KS.

Procentualna umanjena potrebno je primjenjivati kvartalno uz mogućnost revidiranja odnosno ukidanja zavisno od priliva sredstava u Budžet.

Uštede sredstava na ovakav način potrebno je preusmjeriti u fond za pomoć privredi Kantona Sarajevo.

OBRAZLOŽENJE

Usvajanjem ove inicijative ostvarile bi se značajne uštede u Budžetu Kantona Sarajevo koje bi se mogle preusmjeriti u fond za pomoć privrednicima. Inicijativa za umanjenje naknada članovima komisija, upravnih i nadzornih odbora za javna preduzeća i javne ustanove KS odnosila bi se samo na one članove koji su uposlenici u institucijama kojima je osnivač KS i primaju plaću iz Budžeta KS, a uglavnom se termini održavanja sjednica i sastanaka zakazuju u toku radnog vremena za koje već primaju plaću.

Treba navesti činjenicu da značajan broj uposlenika u vrijeme pandemije radi ili skraćeno radno vrijeme ili od kuće ili jedan dan u instituciji ili ustanovi u kojoj je uposlen, a drugi dan radi od kuće, te stoga smatram da je potrebno uvesti navedeno ograničenje isplate naknade članovima komisija, upravnih i nadzornih odbora za javna preduzeća i javne ustanove KS.

U cilju praćenja realizacije, svaki član komisije, upravnih i nadzornih odbora za javna preduzeća i javne ustanove KS, bio bi dužan prijaviti da plaću prima iz budžeta KS. U suprotnom, činio bi povredu službene ili radne dužnosti.

U skladu s ovom inicijativom bit će potrebno izmijeniti akte kojima su propisane navedene naknade i povrede službene ili radne dužnosti.

Admela Hodžić

Samostalna zastupnica u Skupštini Kantona Sarajevo

Sarajevo, 18.01.2021.godine